

Na memoria di Daniel V.(Vale) Croes



Daniel V.(Vale) Croes

PIEDRA PLAT- Diabierna 25 februari 2010 pa 10:30 di mainta a bira un dia tristo pa e organizacion di SV Britannia ora cu e noticia lamentable a drenta cu Sr. Daniel (Vale) Croes co-fundador y prome president di SV Britannia a fayece.

Tambe Vale tabata conoci bou di e number di Vale di Galeria Moderna. Daniel Vales Croes tabata tin un jui cu tabata keeper di Britannia pa hopi aña, esta Daniel (Dany) Croes cu a fayece na aña 2008. Vale tabata y lo keda semper parti di e historia di SV Britannia cu a cuminsa na aña 1947 unda cu un grupo di hobennan tabata hunga futbol den cualkier tereno habri cu nan por hanja den vecindario di Piedra Plat y barionan rond. Tabata tin diferente gruponan chikito no organisa cu tabata hunga contra otro den vecindario manera; Buchi Jan Boys, Tamarijn Boys, Bonny Boys, Chela Boys y algun mas. E tempo ei caba Sr. Dario Ramiro Croes lo a bin cu e number di Britannia y tambe Daniel Vale Croes a cumpli cu e deseo di su mama, esta Sra. Mathilda di duna su tereno na Britannia, cual tereno di e dia di awe SV Britannia ta usa pa hunga futbol ariba dje.

Na augustus 1957 e prome reunion a tuma lugar den cas di Sra. Mama Chuchu (Johana Sofia) Croes Lampe na Piedra Plat # 69 unda cu 19 hoben entrenan Sr. Daniel (Vale) Croes cu tabata pre-

sente y unda un comision a wordo instala bou encargo di Sr. Ripoldo Croes como lider cu e unico meta pa cuminsa cu e procedura pa organisa un team di futbol oficial pa e hubentud di Piedra Plat y vecindario manera; Hooiberg, Pavia, Rooi Afo, Cascogne, Seroe Lopes, Seroe Pita, Casibari, Paradera (Parialmente), Tamarijn, Bloemond y Seroe Preto. Den e reunion aki e colornan di SV Britannia, probablemente pa Fechi Bareño a wordo escogi:

T-shirt geel cu corra y shorts blou. Tambe historia ta conta nos cu e number Britannia a wordo escogi pa Americo (Merco) Croes. E number Britannia a wordo escogi pasobra den e tempo aja hopi team di futbol tabata wordo yama na number di paisnan cu ta popular den futbol, manera Holandia, Jong Holland (Curacao), Jong Colombia and Jong Aruba.

E number Britannia ta deriva for di Great Britain cual pais tambe ta sumamente popular den futbol. Na mes un momento e futuro hungadornan di SV Britannia a cuminsa limpia un pida tereno cu a wordo duna door di Sra. Martilia Croes cu ta mama di Sr. Daniel Vale Croes pa e team di futbol di Piedra Plat y vecindario.

1958

Dia 12 oktober 1958 S.V. Britannia a wordo oficialmente funda, y publica pa gobernador interino Mr. W.G. Boomgaart.. E prome miembronan di directiva SV Britannia a wordo instala 12 oktober 1958 y nan tabata; Presidente; Daniel V. (Vale) Croes, Vice Presidente: Henry (Henriche) Croes, Secretario: Ripoldo Croes, 2nd Secretario: Roland W. (Rolly) Bareño, Tesorero: Alfredo (Fechi) Bareño, 2nd tesorero: Serapio (Jati) Weller, Comisarionan; Joaquin Werleman, Hipolito A. (Poli) Pereira, Marcolino



Para: Calin Vrolijk, Ety Croes, Cheban Rafini, Robby Croes, Lando Loepstok, Marlon Werleman, Freddy Patist **Sinta:** Henky Croes, Dolin Dania, Juan Ras, Leo Boekhoudt, Robert Everon y Ruchi Everon.



SV Britannia 1958 camiseta geel cu cora carson blow, ariba tereno di Bubali. **Para:** Foyan Winterdaal, Dijan Deluvio, Efe Vrolijk, Shonpe Werleman, Jati Weller, Mai Ridderstap, Walti Winterdaal, Poli Perreira, Mai Biesum. **Sinta:** Jaquin Werleman, Shonle de Mey, Chimbo Croes y Jossy Croes.

(Cholin) Erasmus.

Presidentenan di SV Britannia 1958 – 2008

Sr. Vale Croes, Juan Henriquez, John Croes, Sixto (Buchi) Feliciano, Rudolf Geerman, Glen Roy Tromp, Ronny Henriquez, Sixto (Titichi) Croes, Marlon Werleman, Eddie Berg y actualmente Richard Dijkhoff.

1959

Britannia a hunga su prome wega como miembro di

A.V.B. dia 4 di April 1959 den e knockout di B-Klasse pa e Koningin Juliana Beker. Britannia a gana Estudiantes 3 - 1 y despues di tres victoria mas a yega final contra Mariniers cu tabata e equipo di militarnan Hulandes staciona na Savaneta. Esaki Britannia a perde 3 - 2 y a keda como sub-campeon. Dia 16 di mei 1959 a hunga su prome wega di campeonato riba su tereno na Piedra Plat contra di Estudiantes a gana 4 - 1 pero Britannia a protesta e wega y a gana esaki pasobra Estudiantes a usa un hungador ille-

gal. Mas despues e wega aki a wordo hunga di nobo y Estudiantes a gana cu e score di 4 - 0. Dia 6 di juni 1959 Britannia a logra su prome victoria derotando De West 6-0 den Sport Centrum Noord.

Cu esaki nos kier a duna un tiki di e trabounan grandi cu Daniel Vale Croes a hasi pa e bario di Piedra Plat y vecindario. Acto di entierro lo tuma lugar diaranson 2 maart 2011 saliendo for di misa na St. Cruz pa santanan Catolico na St. Cruz. Cu Dios duna forza na su yiu Eddie y demas famia.